



西園詩選

山陰 劉大觀

鞠山集

當窓織



疎櫺飛日光宛轉起象床  
纖纖白玉指燦燦織流  
黃上成比翼雙翡翠下  
眠交頸兩鴛鴦一朝織就  
蛾眉蹙欲語不語亂心曲  
滿堦新草侵窗綠

期章密林不至

懸榻將誰待西堂夢已殘  
吟成芳草怨坐到夕陽  
寒山翠浮書幌溪煙拂釣竿  
相期江路永何處采

蘅蘭

贈胡景芳

冰雪詞章手日攜長松千尺孰堪齊  
新篔潑甕留佳客古錦裁囊付小奚  
得句自應低首拜論文不負辦香齋  
江東春色真如畫綠樹陰陰好聽鸝

溪行

偶行溪水上路轉豁雙眸石繡苔痕古  
松縈鶴夢幽薄雲低碧落斜日冷清流  
不覺歸來晚鐘聲出寺樓

研屏偶書

麝煤香潑勤摹古甲乙編分靜著書  
兩扇小屏圍研曲恐他飛出北溟魚

寄李鞏基

悠悠孤影立沉吟愁似三千弱水涘  
舉世有誰能相骨一生惟爾最知心  
花壇狼藉春難覓竹榻幽閒夢獨尋  
昨夜月光明似畫玉溪何處坐橫琴

春閨曲

香夢不來春枕寒夜長漏滴銅龍乾  
空庭無人花影寂月光瑣碎當簾看  
朱絃軋軋窗間理惱殺箜篌聲不起  
清淚瑩瑩花底彈東風吹上枝頭紫

少年行

黃衫青髻顏色好走馬翩翩狹斜道  
鳴鞭驚起捲簾人楊柳高樓日初曉  
春風到處吹馬蹄東指長干西大堤  
平生意氣何豪舉黃金手擲同沙泥

春去題壁

茸茸新綠暗平郊春去天涯柳絮拋  
吱啞蜂聲尋落瓣淒涼蝶夢宿空梢  
淡煙臺榭同誰倚細雨園扉獨我敲  
賴有幽篁齊解箨清吟聊與此君交

漁父

飄然一葉便爲家壺酒竿鱗興劇賒  
醉脫蓑衣聊

作枕臥看明月到蘆花

秋雲

雲出原無意天空到處橫淡分秋水碧  
濃蓋暮山平已逐風聲散還拖雨脚生  
如何一片影變幻繪人情

秋山

林疎平野淨天曠亂峯竒白雲歸後青  
看雨歇時遙知幽谷冷應有斷猿悲閑  
却閨人手高寒不入眉

秋水

西園詩選  
遠接長天色風輕浪不飛一灣橫雁渚幾夜落漁  
磯淺照江楓瘦寒圍岸柳稀片帆何處掛張翰正  
思歸

秋柳

此柳不堪折可憐秋又淡漸添憔悴色難綰別離  
心霜落旗亭冷風吹野岸陰灞橋餘幾樹淒絕暮  
蟬吟

題張海門佩劍倚馬圖

去  
春草遍春郊躊躇向何處東風吹馬蹄十里尋花

倚馬翩翩立襟懷亦壯哉腰間有利劍恩怨兩徘徊

晚步

翠黯垂楊蕭瑟天旋看紅剪小池蓮愁多倍覺秋  
聲楚地僻常餘晚景妍綠水影中山倒立碧雲缺  
處月孤圓隔牆誰弄梅花笛撩動情懷未許眠

寄題魯連臺

東海臺猶在吾懷魯仲連不因遊士賤誰識布衣  
賢入趙千金却全齊一矢傳何時問遺跡長嘯狎  
雲煙

懷韓象文江南

秋來何處不淒其我正思君歸轉遲曾憶別時花  
徑裏數聲啼鳥冷殘棋

苦雨

墨雲蔽天天無光狂飈疾馳舞商羊積陰連野曦  
輪藏短檐縣溜垂千行蛙黽公然登我堂開門巨  
浸失平陸蒼苔繞壁菌生屋萬井無煙鳥不飛木  
棉着體寒起粟南村老翁苦躑躅白波三尺沒雙  
足仰天大呼淚交簇眼看佳禾皆淪覆不如高陂  
茶與遂亂葉粗莖森似束天心於此獨培養我聞

茲語重太息安得皎日上照丘陵下溝瀆挽弧抽  
矢射雨工更揮長劍直掃千丈之滌虹怒蛟屏迹  
渴龍伏高扶火鏡當天中

懷商又南

涼雨散湖曲雨晴仍夕曛天低一雁度人遠兩鄉  
分疎柳綠依水暮山青入雲懷君不可見吾實感  
離群

武林沈進士廢園

翠閣臨波沈氏莊我來寄跡倍淒涼人投亂石填  
荒沼燕蹴新泥墮画梁暮靄斜煙總是恨秋風殘

桂為誰香行人空憶當年事惟有啼鴉送夕陽

秋日偕章密林魯啟人董周望周蘭坡商

蒼雨家鹿池異三芸文大兄來嶽遊靈隱

諸勝得詩五首

不到雲林寺西湖未破囂同舟真素侶登岸及今

朝翠嶂千重合清溪一帶遙山行悞亦好風味昔

人饒用牧齋句是日悞入龍井

第一蕭疎境溪流側杖聽薄煙靈隱寺斜日冷泉

亭三伏寧煩雨終朝若震霆只宜白太傅心折此

雲屏樂天云就寺言冷泉亭為佳

紺宇莓苔覆金爐花石供參差禮法象突兀似諸

峰老樹欹殘碣斜陽逗冷鐘蒼然來暮色滿目狎

虬龍

只覺秋蔬飽還將曲几凭黑疑千嶂雨紅見一林

燈入夢抑何曠栖位猶未能那堪身世事慚愧祖

堂僧

徙倚方池上金蓮幸未殘竹聲來院寂瀑影逼窗

寒白首封塵土青天換羽翰地有呂祖遺跡不知茅屋下結

伴幾時安

西湖暮泛

西園詩選  
放棹西子湖波影搖晴空沿堤蕩桂槳欲以開心  
胸尊中沉落日暝色起長松烟景滿叢薄遙遙聞  
疎鐘天風吹明月飛墮兩高峯我欲駕白鶴振袂  
凌飛虹青天虛若水空懷放鶴翁衰柳不可折秋  
思安能窮

舟次

綠水平於鏡輕舟穩似家芳洲浴芡葉曲渚散蓮  
花人語邨頭鬧秋陽渡口斜臨流誰氏院掩映碧  
窓紗

閒興

入冬猶未改秋光閒上南樓數雁行墻角木奴隨  
意摘石根博帶共人嘗違時便可呼狂客適興何  
妨作漫郎世事渾同棋一局任他爭賭紫羅囊

十晚詩 選六

晚寺

寂寂梵王宮寒煙裊碧空松梢懸落日幡影颺輕  
風磬自鳴禪室僧方入定中我來窺色相坐對一  
燈紅

晚雲

日色已稀微天孫幻舞衣過溪千嶂暝橫嶺一僧

西園詩選  
歸縹緲朦朧新月蒼茫淡落暉卷舒祗自得遠望更  
依依

晚砧

砧聲薄暮急一片度城隈酸逐秋風起清隨明月  
來刀環空有約木葉感相催永夜迢迢坐濃愁敲  
不開

晚鐘

疎鐘吼覺地到處聽清音群動聲方息空宵漏未  
深隨風天外度帶雨枕邊沉不是鯨魚叩何人悟  
道心

晚烟

暮煙何處起裊裊碧天浮杳靄千峰合橫空一鳥  
投濃迷行客路冷溼釣魚舟不覺淒其甚愁人正  
倚樓

晚照

金碧半天涯層層燦若霞幾多鴉背閃一片馬頭  
斜餘彩明江閣殘光送客槎魯戈畱不住黯淡落  
平沙

送何聚薪之粵

海國天開控百蠻看君遙度瘴雲間鮫人瑣布裁

西園詩選  
丹荔猗女蕉花映翠鬟梅嶺鶯聲啼繞樹珠江蜃  
氣結成山黃金若使能垂橐行李須同陸賈還

幽居和家易一

山深更少鷓鴣啼門外潺潺水一溪寂寞苔皆容  
鶴睡有時放出暮山西

冬夜偶成

葉盡庭空風颭帷獸爐冉冉裊香絲寒流青似阮  
生眼殘月彎於西子眉窈窕湘簾人靜後蕭條院  
落夜深時可憐雪影梅花下悵望天涯結遠思  
坐雨懷家兄來嶽家弟伊重

煙暝衆鳥還雙雁渺然去悲鳴向河洲淒響落何  
處北風吹片雲飛斷東山路弟兄行不歸忽忽歲  
云暮雨聲寒草堂苔痕沒幽戶此時遠遊人應有  
愁霖賦如何梅花開鄉書杳尺素

送張克明之楚

千里荆襄路此行興自雄片帆江面白殘照渡頭  
紅赤壁生秋月蘭臺入曉風登臨倘念我莫忘去聲  
寄詩筒

偈山溪上

青蘿挂樹杪白雲飛嶺頭愛此一溪水潺湲帶月

西園詩選

石帆集

遊顯聖寺

心隨白雲遠行愛綠陰涼  
蘿影動流水鐘聲寒夕  
陽草深樵客路花覆老僧房  
任意看山坐時時聞  
妙香

題陳小蓮畫

疎籬兩岸傍雲開一徑春風長  
綠苔飛鳥無聲山  
寂寂滿林花片打頭來

題蕭尺木畫

溪上人家初過雨殘陽慘淡懸疎樹野塘漠漠斷  
烟飛白鳥啣魚自來去

贈商蒼雨

由來才子即神仙小隱城東別有天芸閣春風楊  
柳笛鏡湖秋雨芰荷船半窗斜月窺銀管六代餘  
香散綵箋笑我疎狂同叔夜而今心折在君前

咏瓶中紅白梅花

分來玉骨連枝秀伴我冰窓細雨零想像夜溪歌  
管歇紅兒沉醉雪兒醒

月夜宿雲門寺

攀蘿陟層巒投宿遠公宅衆鳥不聞聲悠然夜方  
寂一規月破雲流輝照虛壁蕭蕭松影寒皎皎山  
光白蛩號露草清猿嘯烟林碧我心素愛閑此來  
愜所適逝將謝塵煩永伴栖位客

六陵懷古

衰草連天白日昏珠鳧玉雁不堪論生前隱忍千  
秋恨死後飄零六代魂故國銅駝何處覓當年石  
馬至今存松楸肅肅西風裡盡與寒鴉長子孫  
歲歲幽花遍井亭更無人到薦芳馨狐蹲老樹秋

烟黑鬼哭荒山暮雨青涕淚猶傳雙義士冠裳空  
憶小朝廷我來凭吊增惆悵滿耳樵歌不忍聽

贈沈小溟郎送之績溪

曾聞張水部指海門時說隱侯名挹袂鏡湖曲翛然千  
載情才華原卓犖談笑見平生邠復離羣去愁聽  
別鶴聲

夢中作

一棹斜陽鳥亂喧迴船指點綠楊村小橋流水空  
如舊梅子青青斷客魂

偶興

芳草凝霜偃舊堤柳枝零落板橋西閒來獨向江  
干立紅葉滿林鴉亂啼  
一抹殘霞射遠津西風簇浪碧粼粼誰家簞箸懸  
高樹孤艇橫斜不見人

紅葉

背日蕭蕭萬樹稠弄朱凝紫繞高樓一番霜信開  
生面十里風光破素秋有客登山閒覓句阿誰臨  
水迥含愁最憐野岬無人處絆箇魚鱗細筏舟  
靠屋槎枒三兩枝天教青女着臙脂烘殘斜日歸  
鴉外醉倒西風落雁時桃葉飄零難問渡柳條憔悴

悴不成絲輸他一幪黃荃畫消得崔家五字詩  
不從東帝鬪芳菲此日無端欲染衣玄菟城邊秋  
又老青楓江上事全非寒姿映入霜天遠艷色分  
來夕照微好向幽窗供點筆莫教飛滿釣魚磯  
隔浦層層混落霞臨風無主自歌斜着來幾尺青  
帘子便是一村紅杏花曲磴遙團支遁宅寒塘深  
鑠謝敷家漫言秋景方蕭瑟若比春光分外賒

夜坐聞笛

山月忽東上歸禽競相逐誰家玉笛聲彷彿梁州  
曲靜聽獨含愁輕風動疎竹

聽雨

輾轉不能寐寒聲增寂寥漫隨蓮漏滴忽挾竹風  
驕夢惜欄前藥愁添檻外蕉此時新漲水侵曉應  
平橋

春日漫興

坐聽鶉聲孤館中茶煙一縷颺晴空山頭趁雨添  
新翠樹杪無風墮老紅楊柳小樓人獨倚杏花深  
巷夢頻通牙籤玉軸渾閑事聊作西窓蠹字蟲  
柴門寂歷鎖垂楊獨凭欄干數雁行病裏閉關閒  
亦好夢中得句醒偏忘對花勸影拈重碧映日鈎

西園詩選  
簾榻硬黃知有人憐紅豆曲幾回搔首倚匡床

醉歌

吁嗟人生何事長局促不如沉痛澆醴醪青萍無  
光銀燭寒幾行殘史模糊讀古人一往呼不應荒  
臺廢苑秋風哭牧兒火照秦塚穿野狸夜入漢宮  
宿凝碧池頭月影寒臙脂井上苔痕綠當年歡樂  
殊未央一朝代謝成陵谷長安遊俠氣如虹走馬  
探丸競相逐蹴鞠歡場開舞筵琵琶妙手搗新曲  
可憐行樂祇須臾鴛鴦結伴登華屋彼美人兮絕  
世姿嫣然一笑能傾國昭陽殿裡寵常沾結綺樓

中恩久渥轉眼芳華逐逝波暗塵堆鏡無膏沐碧  
草深埋蛺蝶裙土花細繡鴛鴦褥西陵冷露北邙  
煙夜夜香魂泣幽獨長樂無人長恨多衰盛從來  
相倚伏尊中不空復何憂眉頭兩點無勞蹙學劍  
休論十萬兵著書漫道三千牘升即雲霄沉即泥  
古今萬事同一局君不見天高不可問地遠不可  
縮鳳凰枵腹鳴高崗野田黃雀多餘粟

雨後寄董周望

空齋微雨收新月生西嶺獨坐悄無言抱琴對花  
影鳥歸亂竹喧雲壓荒池冷不見同心人幽懷時

西園詩選  
耿耿

蓮浦謠

魚戲無方東復西多情長自惜分攜儂如菡萏歡  
如葉願得相依莫暫離

雲鬟霧鬢奈愁何十里橫塘取次過休倩香風傳  
水調綠楊如薺暮烟多

和吳好山移居南澗之作

吳子卜居處幽禽喧薜蘿一溪當戶冷千嶂入樓  
多几席容疎放琴書足嘯歌菊花開滿日載酒許  
相過

鶴

清癯相對幾忘形出没青霄萬里情華表漫深城  
郭感仙人空記酒樓名月臨松頂縈幽夢風度蘆  
臯散好聲莫向孤山生悵望瑤臺自有白雲程

鷓

縹緲幽魂慘淡音啼痕點點染芳林空山月滿千  
聲度廢苑花殘百感深何處老翁曾再拜異鄉孤  
客最傷心錦城回首無多路莫爲思歸恨不禁

雁

紅蓼青蘋任去畱連翩豈爲稻梁謀一行寄到龍

西園詩選  
堆恨萬里拖來水國秋仙掌峰頭聲欲轉衡陽浦  
口影初收天南多少含愁婦待爾傳書向朔州

鷗

海鷗三月到江頭浩蕩煙波春復秋偶爾忘機隨  
釣艇蕭然結社遍沙洲雲根浪起難爲夢蹟末風  
微自在浮爭似天涯名利客關山滿眼鎮生愁

閨夜和蒼雨韻

獨坐愁長夜孤燈綠焰寒月流花影溼風捲葉聲  
乾夢好重尋易詩成共賞難寂無人迹處羅袖倚  
闌干

遠遊行送吳好山之京陳無波之粵

君不見黃金臺蒼蒼極目餘蒿萊繁華千載成陳  
跡高歌一曲生悲哀又不見羅浮峯青青四百玉  
芙蓉自昔曾稱仙窟宅到今惟見雲空濛惜哉兩  
地非吾土何日探奇還弔古男兒本合事遠遊胡  
爲局促守蓬戶陳琳吳祐俱奇士拄腹撐腸盡書  
史一朝告我欲長征或向花田或燕市吁嗟乎我  
與二子如雲龍喁于唱和常相從而今命駕各分  
手毋乃異地傷心胸鶴猿從此憑誰主離笛聲敲  
落南浦千里車塵謝薜蘿三秋馬首迷風雨蕭瑟

西園詩選  
江關任所之看君弔古更探奇金臺雲樹羅浮月  
何處風光不繫思

十晚詩 選七

晚山

天末紅將斂殘暉映翠微荒煙封樹冷倦鶴帶雲  
歸嶺際牧初下巖間樵亦稀幾家隔溪住寂寂掩  
雙扉

晚邨

郊外歇微雨蒼然天欲低人家依水住桑柘隔烟  
迷繫纜漁收釣提籠婦喚雞幽居吾未卜此地好

同棲

晚風

西風向晚急倚檻冷侵魂漠漠雲歸岫蕭蕭葉打  
門鳥棲嫌樹動江靜覺蘆喧忽聽疎鐘度悠然散  
古原

晚照

斜陽竟西下樹影覺婆娑慘淡橫諸嶺蒼茫漾大  
河漸看金碧散回首暝煙多相對愁何限狂揮挽  
日戈

晚烟

西園詩選  
徙倚高樓晚，疎烟嫋嫋環。暗侵當戶竹，漸失隔溪山。犬吠空濛裏，人行杳靄間。回瞻古樹畔，飛鳥亦知還。

晚雲

雲葉何多幻，悠揚暝色賒。輕陰侵落照，片影漏殘霞。向岫茫茫合，沿溪黯黯斜。可憐弓樣月，莫傍小窗遮。

晚鴉

啞啞來何處，翩翩去不遑。數聲投古堞，幾點背殘陽。迎櫂還相舞，爭栖漫自傷。蕪城寥落甚，難覓舊

垂楊

咏淚和韓象文韻

新痕狼籍舊痕橫，長爲愁人記不平。翠竹隄邊沾有迹，青衫江上溼無聲。海棠幻出空閨恨，杜宇啼來故國情。最是分襟收不住，夕陽江口一般傾。

題高雲菴

山翠映寒泉，秋雲帶高樹。疎籬菊未花，修竹禽交語。一徑碧蘿深，幽人獨來去。獨鶴唳高秋，謾謾松風冷。山月墮疎林，苔階散清影。我亦忘機人，蕭然塵夢醒。

偶成

美人贈我遠山螺道妾長描兩葉蛾欲侑緘書何  
以報秋雲玉蘭一封羅

懷家鹿池都門

渺渺金臺路歸帆未可期如何九月別却似十年  
離煙雨和愁結雲山入望迷危欄時徙倚鳥影下  
空枝

朔風吹月色一夜滿關山未識曾相照美人別後  
顏愁中偏雁度夢裡忽君還記否春時節狂歌鏡  
水灣

舟中曉坐悵然有作

遊子離故鄉揚舲一何速五兩駕西風初陽上疎  
木幕歷曉烟青潺湲逝水綠回首亂山橫偏遮東  
望目去國無多時旅愁已千斛

自桐溪趨西口

川路行難盡丹楓兩岸稠波流殘照急帆入亂山  
蘼蕭瑟同征雁幽閒愧水鷗今宵何處泊一棹任  
夷猶

蒼翠開還合灣環興若何斷猿催日墮喬木受風  
多一鷺衝波出孤舟掠石過看看帆卸處新月掛

藤蘿

建德道中有懷家兄巖雨

偶憑薄醉倚孤篷回首鄉關恨不窮城郭半藏山  
影裡人家都在水聲中蒼蒼亂石橫斜照葉葉輕  
帆趁好風惆悵坡公千里隔相思不盡大江東

蘭溪

婀娜風帆映夕陽潺湲一帶碧流長蒼松翠竹垂  
垂接深護誰家白粉牆

西安舟中

繚繞青山隔淺沙西風瑟瑟雁行斜坐看一縷炊

烟起橘柚林中三兩家

常山曉行

颯風颯颯捲黃埃楓柝依人夾道栽殘月落時雙  
雁度曉煙起處一村來打頭寒葉蒼茫下照眼前  
山次第開回首高堂愁欲絕非關谷口亂猿哀

舟夜

空江夜半寒風號凋蘆落木喧秋臯孤篷鬧雨如  
蕉葉離羣一雁聲嗷嗷客子夢破家千里獨擁孤  
衾愁不已滿耳蕭騷直到明淚珠迸作東流水

河口寄家芸文二首

西園詩選  
故國蒼茫別美人空繫思淡烟河口樹目極卸帆  
時  
殘月照相思風吹雙鬢冷秋柳何蕭蕭沿波弄疎  
影

弋陽道中

極目煙波遠千山積翠開風吹寒雨散樹捲夕陽  
回荇葉紫蘭槳蘆花上酒杯片帆停處穩柁鼓漫  
相催

晚泊樟樹鎮

漠漠寒煙罩遠林亂帆一帶落江潯歸鴉影裡村

莊閉貰酒旗邊燈火深不斷漁歌回極浦無窮雲  
氣結層陰西風欺客秋衫冷獨向蓬窗擁鼻吟

曉發吉水作

遠岫吐晴光寒烟織江樹柁底西風生悠悠峭帆  
去

古國書院



